



21 JAN, 2021

Keuntungan KIP REIT susut kepada RM8.6 juta

Sinar Harian, Malaysia

Page 1 of 2

Keuntungan KIP REIT susut kepada RM8.6 juta

KUALA LUMPUR -

Keuntungan bersih KIP Real Estate Investment Trust (KIP REIT) susut kepada RM8.66 juta pada suku kedua berakhir 31 Disember 2020, daripada RM9.23 juta bagi tempoh yang sama pada tahun sebelumnya.

Perolehan juga merosot kepada RM18.62 juta daripada RM19.73 juta tahun ke tahun disebabkan pendapatan yang lebih rendah daripada kedua-dua wilayah selatan dan tengah tetapi sebahagiannya diimbangi oleh perolehan tinggi daripada AEON Mall Kinta City di wilayah utara.

Pengarah Urusan KIP REIT Management Sdn Bhd, Datuk Chew Lak Seong dalam satu kenyataan pada Selasa berkata, prestasi kewangan untuk suku berkenaan adalah lebih baik dan sesuai dengan jangkaan pengurusan di tengah-tengah pandemik Covid-19

**KIP REIT™**

ketika ini.

Katanya, syarikat berkenaan optimis dalam berhati-hati terhadap situasi ekonomi dan sentimen pengguna susulan Perintah Kawalan Pergerakan (PKP) 2.0 yang dilaksanakan semula kerajaan bermula 13 Jan,

2021.

“Namun, kami menjangkakan akan mengambil sedikit masa sebelum keadaan kembali normal dan orang ramai meneruskan aktiviti harian mereka.

“Bagaimanapun, pasukan kami berusaha sedaya upaya untuk meningkatkan pendapatan kami dan memberi ganjaran kepada pemegang unit kami,” katanya.

Pengurus KIP REIT itu mengisyiharkan agihan interim kedua sebanyak 1.59 sen seunit, berjumlah RM8.03 juta untuk suku kedua tahun kewangan berakhir 30 Jun, 2021.- Bernama